

滇南雜誌

明

地 310
5356
21~10

圖書館

滇南雜志

中興雜記
袖珍板印

序

滇開於楚附於漢廓於唐棄於宋通於元歸欵於明至

國朝順治十七年而奄有其地故以天下疆域論滇爲最遠而臣服於朝亦惟滇爲最後且自永明奔緬吳逆負隅廿載十戈文事未備范開府尹文端先後制滇網羅參考著爲通志而滇乘始有成書顧通志作於乾隆元年迄今七十餘載矣中間郡縣之更置軍旅之修治漢夷之順逆歷年旣遙事多殊異余遊滇南思有所紀撰索之方策無可徵述廼旁搜稗乘就所及見益以通志所載上自唐虞迄於

昭代凡天時地理人事之大綱殊方外域犍牒之細故件繫其事謬者正之闕者補之分爲八門合廿四卷名曰雜志雜之云者言瑣細叢殘無當大雅異日言旋鄉里有問及滇南古今事蹟者出此書示之以代話言且聊自附於紀古滇說炎微瑣言之末若纂修增輯固守土之職

滇南雜志 序

非予私家彙纂所得竊其柄者也皆

嘉慶十五年庚午冬十月朔上海曹樹翹春林識於五華山館

例言十則

一志以雜稱示無條理也然門分類聚亦有後先如編年紀事最重朝章故首事略歷代久則傳聞多譌故次考據治亂本端自執政故次傳紀網羅散佚有益見聞故軼事次之輶軒探風文詞攸賴故遺文又次之同軌之盛疆域是徵故終之以殊方次種人於土司者不以齊民先王官也全編次第大略如此至圖史古昔並稱備舉太繁第繪全省輿圖於卷首以歸簡要若金沙爲襟帶要津交緬爲屏藩外域固王會之所當圖籌邊之所先務故亦狀其疆里以備覽觀一事略一門就大事師旅兵防等考細爲刪訂而成其無關國是者概置弗錄

一滇南僻在荒服自莊躡追道以來歷年既遠竊據頻仍文事失修傳聞滋異山川疆域言人人殊茲擇其說之尤雅者列爲考據二卷庶

滇南雜志

例言

權古者得所折衷焉

一史有紀傳所以示勸懲也滇自漢至今不乏名臣而跋扈鷓張之輩亦所時有唐以前詳見事略元明二代最有功德於滇者厥惟咸寧黔國本朝吳三桂謀爲不靖流毒生民各錄其傳以昭法戒而建文永明之竄迹投荒亦附載其始末焉

一史家紀表志傳之外別有附錄原以迹涉不經入之雜紀滇本夷方事多怪異爰仿述異搜神之例別爲軼事一門俾知天地之大何奇不有彼齊諧志怪未必盡屬荒唐也

一傳蘭滄歌嘽道謠爲滇南文事之始外此單詞隻句雖見羣書遷客羈人亦多吟詠別爲一類標曰遺文他如風俗種人竹枝鼓子之作非遺文而亦爲收入者各從其類也

一今之滇南在漢爲西南夷在宋爲大理國元明而後始入版圖通志

雜紀內殊方一條所謂妙香國者即今之大理府也而與緬甸交南同列未免不倫茲編分爲三卷庶中外釐然華夷各別

一蜀粵皆有土司而滇之士司與他省異非有披堅執銳之功拓土開疆之績不過據地以獻願當差發當事者錫之號紙聊示羈縻而已且土司弱則爲邊之盜強則爲國之敵麓川烏蒙其明徵也編中詳載其世系沿革庶籌邊者有所考焉

一滇之士著樊榭之外種類極繁爰擇其有可稱者以著於篇他日修職貢之圖而旁及種人或可卽是以考其類云

一通志一書考核精詳最爲簡當此外郡邑志闕佚不全并有如普洱廣南昭通諸郡並無志書者是編祇就所見採輯至私家雜著從前原有多種然通志修自乾隆元年已云祇存其目此時更無論矣茲復廣爲搜訪雖得數種而賅博要推編年滇繫二書爲最編中所採

亦此爲多望漏之愆所不敢辭博雅君子尙其匡所不逮焉

滇南雜志目錄

卷一

事略上

卷二

事略下

卷三

考據上

卷四

考據下

卷五

傳紀上

卷六

滇南雜志

目錄

傳紀下

卷七

軼事一

卷八

軼事二

卷九

軼事三

卷十

軼事四

卷十一

軼事五

卷十二

軼事六

卷十三

軼事七

卷十四

軼事八

卷十五

遺文上

卷十六

遺文下

卷十七

殊方上

卷十八

滇南雜志

目錄

殊方中

卷十九

殊方下

卷二十

土司上

卷二十一

土司中

卷二十二

土司下

卷二十三

種人上

卷二十四

種人下

方言附

滇南雜志
目錄

車略上

五帝

黃帝之嫡子昌意降居若水為諸侯娶蜀山氏之女謂之昌濮氏產顯

頊十年而佐少昊二十而即帝位若水即今金沙江

唐

蘇娶於有莘氏之女名曰女嬃年壯未孽嬃於砥山得薏苡而吞之若

為人所感因而妊孕剖脅而產禹家於西羌地名石紐石紐在蜀

西川也石紐即今麗江府之石鼓

商

湯四方獻令曰西南產車里百濮即今順寧以象齒矩狗為獻孔氏曰矩

滇南雜志 卷一

狗狗之善者志作短狗非

周

周武土伐紂濮人會於孟津濮今順寧周王會白人即白子國貢乘黃似麟無角卜人

即濮人貢砂丹砂也黑齒即永昌夷貢白鹿

成王初越裳氏獻白雉重譯而至曰吾受命國之黃耆曰久矣夫天之

無烈風淫雨海不揚波三年矣意者中國有聖人乎盍往朝之及

返迷失故道周公錫以指南車期年乃至其國越裳即今老撾春秋時

庸與百濮伐楚又糜人率百濮伐楚 周末頃襄王使將軍循江

上略巴黔以西至滇池方三百里旁平地肥饒千里以兵威定屬

楚欲報會秦擊破楚黔中郡道塞不通因其眾王滇變服從其

俗以長之

秦

恭傾常頌略通五尺道頗置吏

漢

武帝元封元年命王然於柏始昌呂越人聞出西南夷至滇指求身毒國是歲有彩雲見於白崖遣使跡之乃置雲南縣

元鼎六年復使王然於以破越及誅南夷兵威風諭滇王入朝

元封元年郎中司馬遷奉使西征巴蜀邛笮昆明還報命

二年以中郎將司馬相如持節開越雋按道侯韓說開益州授經教學復遣將軍郭昌衛廣平西南未服者舉兵臨滇滇王降以為益州郡賜之玉印最寵焉

六年漢既通西南夷欲前往大夏而昆明閉殺使者奪幣物於是天子赦京師亡命遣拔胡將軍郭昌將擊之斬首數十萬後復遣使竟不得通

滇南雜志

卷一

二

昭帝始元三年姑繒樸榆反遣水衡都尉呂辟胡

一作被胡

將兵擊之敗還

明年復遣軍正大鴻臚田廣明等並進大破之時句町侯亡波同入滇擊反者捕虜有功封為句町王

宣帝五鳳三年遣諫議大夫王褒求金馬碧雞之神時方士言益州有

金馬碧雞之寶可祭祀而致上使褒往祠焉時蠻人叛路莫能通乃就蜀巴郡醮祭移文及還道病卒上惜之 成帝時夜郎王與

句町王禹漏臥侯俞相攻殺帝遣大中大夫張匡持節和解之句町不服刻木作漢使射之後陳立為牂牁太守誅與禹乃降 王莽時越雋姑繒夷人叛殺略吏民莽遣將軍廉丹發巴蜀卒徒十萬擊之不克

東漢

光武建武八年渠帥棟蠶姑繒樸榆弄棟諸羌叛益州太守繁勝退保

朱提

十九年遣武威將軍劉尚擊諸叛羌平之

二十七年哀牢夷賢栗等率種人詣越雋太守鄭鴻降求內附封爲君長

明帝永平元年姑繒叛益州刺史發兵討破之斬其渠帥傳首京師

十二年哀牢王柳貌率衆內屬以其地置哀牢博南二縣割益州郡

西部六縣爲永昌郡始通博南山度蘭滄水

十七年白狼夷入貢作詩誦漢功德益州刺史朱輔譯進之

白狼今麗江也

章帝建初元年哀牢王類牢反太守王尋奔牂牁詔募發夷漢討之

元和間神馬出昆池甘露降白鳥見

和帝永元六年永昌徼外夷遣使譯獻犀牛大象

九年徼外蠻及揮國王遣重譯貢珍寶賜以金印紫綬小君長皆加

滇南雜志

卷一

三

印綬錢帛

安帝永初元年永昌徼外焦噉種夷三千餘口內附獻象牙水牛封牛

元初五年卷夷大牛種封離等叛永昌夷皆應之衆至十餘萬遣中

郎將尹就討之敗績詔徵就還令以兵屬益州刺史張喬喬遣從

事楊竦至牂牁擊大破之封離降

元靈元年揮國王復來貢獻樂及幻人

靈帝熹平五年殺永昌太守曹鸞

蜀漢

後主建興元年益州耆帥雍闓等反殺建寧太守成昂

三年改益州郡爲建寧郡以李恢爲太守分建寧永昌置雲南郡以

呂凱爲太守分建寧牂牁置興古郡以馬忠爲太守丞相諸葛亮

南征討雍闓斬之擒孟獲益州永昌牂牁越雋四郡平卽其渠帥

用龍佑那爲酋長賜姓張氏改號建寧

晉

惠帝大安元年建寧朱提大姓毛詵等叛南夷校尉李毅討破之

二年毛詵等復叛奉建寧太守馬恢爲刺史李毅收恢殺之而夷愈

盛毅疾甚不能出嬰城固守而已

光熙元年寧州刺史李毅卒

懷帝永嘉四年以王遜爲南夷校尉寧州刺史滅五苓夷以地勢形未

便分永昌爲梁水郡改益州郡爲晉寧郡從之

明帝太寧元年蜀李雄遣李驥寇甯州王遜遣將軍姚岳等擊大破之

是年遜卒以其子堅爲甯州刺史

成帝咸和二年寧州秀才隴遺起義兵攻李雄將任回李謙等雄遣將

羅恒等救之刺史尹鳳遣裨將姚岳太守楊術援遺戰於臺登敗

滇南雜志

卷一

四

續術死之

八年李雄陷寧州

宋

文帝元嘉十八年晉寧太守樊松子舉兵反寧州刺史徐循討平之

梁

武帝時建寧越雋叛都督王紀撫定之

武陵王蕭紀也

高帝天監十二年殺寧州刺史李略

太清三年寧州土酋樊瓚據城以叛詔授瓚寧州刺史時侯景方亂

不能討也

隋

文帝開皇十四年南寧夷樊翫反遣太平公史萬歲討之自蜻蛉川度西洱河入渠濫川破三十餘部樊翫降

十八年南寧羌復反萬歲以受賂坐除名

唐

高祖武德元年以纛馱子宏達爲昆州刺史

四年昆彌遣使內附

七年命韋仁壽檢校南寧州寄治越雋仁壽將兵循西洱河開地置七州十五縣請徙治南寧州詔可

太宗貞觀元年以纛歸王爲南寧州都督

二十二年命右武衛將軍梁建方討松外諸蠻遣使詣西洱河諭其帥楊威等皆款降是年西洱河大首領楊棟等皆入朝授官秩册建寧張樂進求爲首領大將軍進求尋遜位於蒙

高宗永徽元年遣左領軍將軍趙教祖討白水蠻及大勃弄小勃弄大破之虜其酋長楊承顛改雲南縣爲匡州

四年蒙氏細奴邏遣使入朝賜以錦袍

五年西洱河蒙儉和舍等作亂以李義爲姚州道總管討之斬其帥諾沒弄楊虔柳等諸蠻悉平

顯慶元年西洱河大首領楊棟來附

麟德元年置姚州都督府於昆明之弄棟川

咸亨三年永昌蠻寇邊殺長史李讓辛文協詔以太子右衛梁積壽爲姚州道行軍總管討平之

調露二年永昌蠻復叛上命李義復總師討之敗績郎將劉惠等戰死乃廢姚州

武后垂拱四年南蠻郎將王善昆州刺史纛乾福請復置寧州

延載元年永昌蠻酋董期帥部落二萬戶內附

神功二年蜀川刺史張柬之乞省罷姚州使隸雋州不納

睿宗景雲元年姚州附吐蕃攝監察御史李知古請發兵擊降之增置州縣羣蠻引吐蕃攻知古殺之姚徭路絕

太極元年姚州蠻寇蜀詔靈武監軍右臺御史唐九徵爲姚徭道討擊使吐蕃以鐵絙梁濠湟二水通西洱蠻築城戍之九徵毀絙夷城建鐵柱於滇城以勒功

元宗開元二年南詔晟羅皮遣張健成入朝廼築拓東龜城姚徭蠻寇姚州都督李蒙討之敗沒

三年晟羅皮立孔子廟於國中

十七年雋州都督張審素討西南蠻破之克雲南昆明城

十八年南詔皮羅閣滅五詔

二十五年皮羅閣陷太和城又襲大釐城據之

二十六年皮羅閣賂節度使王昱求合六詔爲一許之遣使册爲雲

南王賜名歸義徙治太和

天寶元年南寧州諸蠻叛陷安寧命御史韓洽等督蒙歸義討平之五載歸義遣其孫鳳伽異入朝授鴻臚卿

八載遣特進何履先率十道兵定南詔境永昌人楊興爲蒙氏布變率所部內附上降軍書褒美旌其門世爲永昌酋長

九載楊國忠以鮮于仲通爲劍南節使雲南太守張虔陀淫虐南詔閣羅鳳遂陷雲南僭號大蒙國

十二載復遣劍南留後李宓擊蒙氏於西洱河全軍敗沒前後死者二十萬人閣羅鳳因陷雋州會同車據清溪關以破越析

肅宗至德元載南詔陷越雋

代宗大歷十四年閣羅鳳死孫異牟尋嗣連吐蕃入寇神策都將李擊晟破之

德宗貞元元年異牟尋徙居史城僭封五嶽四瀆以點蒼山爲中嶽烏蒙山爲東嶽蒙樂山爲南嶽高黎共山爲西嶽玉龍山爲北嶽以黑惠江金沙江潞江瀾滄江爲四瀆

四年異牟尋徙居羊咀咩城請內附

五年南詔遣烏蠻鬼王夢衡苴聘於劍南節度使韋臯求入朝臯遣其屬崔佐時報之盟於點蒼山

九年南詔遣使上表詔册封雲南王以韋臯爲雲南安撫使異牟尋遣使楊嘉明詣臯獻夷中歌臯遣幕府崔佐時由石門趣雲南復通石門南道

十年臯以南詔兵伐吐蕃大破之取鐵橋十六城俘其五王來獻捷異牟尋遣弟獻地圖土貢請復號南詔詔以袁滋爲册使賜以金印

十一年南詔尹輔酋等隨袁滋入朝九月復獻馬六十匹

十六年南詔進奉聖樂舞上御麟德殿觀之

憲宗元和十一年南詔勸利晟寇安南

穆宗長慶四年始賜勸利晟印是歲勸利晟死弟豐佑嗣朝廷遣京兆少尹韋審規持節臨册豐佑遣洪成酋等入謝

文宗太和三年南詔入寇陷邛戎雋遣東川節度使郭釗以鄆岳襄鄆忠武軍伐之又寇成都入其郛遣右領軍董質伐之豐佑上表請誅西川節度使杜元穎詔貶元穎爲循州司馬

四年豐佑遣使請罪

五年西川節度使李德裕索南詔所掠百姓四千人

六年南詔掠驃國民三千徙之柘東

八年南詔遣使貢方物

武宗會昌六年南詔寇安南經略使裴元裕死之

宣宗大中十二年南詔寇安南陷都護府發朱弩仗其助守猶歲朝貢
十三年豐佑死子酋龍嗣朝廷以名近廟諱不行冊禮酋龍遂僭號
改國號曰大禮陷播州

懿宗咸通元年南詔遣清平官董成等詣成都節度使李福囚之劉潼
釋之有詔成等至京師見別殿遣還

二年南詔寇安南陷蓬州是年九月以左司郎中孟穆爲南詔弔祭
使不果行

四年南詔掠雋州四川節度使蕭鄴大破之又寇蓬州官軍敗沒

七年嶺南節度使高駢大破南詔復取交趾

八年南詔遣楊酋慶來謝釋董成之囚且歸成都俘三千人節度使
李師望殺其使

十年南詔入寇陷嘉黎雅二州

十一年攻成都節度副使王建立戰死

十四年陷黔中是年以牛叢爲劍南西川節度使南詔謾書求入朝
假道叢囚其使四十人釋二人還

僖宗乾符元年南詔寇西川陷黎州入邛徠關

二年寇雅州西川節使高駢檄之

四年酋龍死子法嗣請和親

六年嶺南節度使辛謙遣使徐雲虔如南詔

廣明元年遣宗正少卿李龜年使南詔與和親

中和三年以宗室女爲安化公主妻南詔遣趙隆眉楊奇鯤段義宗
朝行在高駢上言三人南詔心腹宜止而鳩之上從其言隆眉等
死蠻遂衰不復振

昭宗天復二年南詔清平官鄭買嗣奪蒙氏而滅之僭號大長和國
後梁

太祖乾化四年南詔寇蜀王建發兵大破之
後唐

莊宗同光元年南詔以朱紫白馬求婚南漢南漢以增城公主妻之魏
王繼岌齋書招諭南詔

明宗天成元年東川節度使楊干貞殺南詔鄭隆亶立侍中趙善政
三年趙善政僭號大天興國于貞尋廢之自立僭號大義寧國

後晉

高祖天福二年段思平自立僭號大理國居羊苴咩城

三年南詔段思良廢其主思英而自立

宋

太祖乾德三年王全斌進滇地圖請上取之太祖鑒唐之禍以玉斧畫
圖自大渡河以外曰此外非吾有也不許

至道元年南詔酋長龍漢瓊貢方物

太宗淳化五年李順亂蜀招安使雷有終遣辛怡顯使南詔

英宗治平二年蔣波繡雲龍賜等州蠻來貢

波州今劍川雲龍
即今雲龍州也

神宗熙寧九年南詔廉義遣使入貢後爲其臣楊義貞所弑

元豐三年段氏臣高智昇討義貞誅之立廉義之子壽輝善聞侯高
昇泰廢之立思廉庶孫正明

五年高昇泰廢其主正明而自立

哲宗紹聖元年昇泰僭號大中國昇泰死子明以父命求正明弟正濱
立之號後禮國

徽宗崇寧二年正濱遣高泰運入朝求經籍得六十九家以歸

按乾道
中南詔